

Gvangjsih Minzcuz Bau

ganhhau: CN45-0036 B.2014 Nd.1 Ng.8 liggaueq gveiqceih nienz ndwenlab cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3106期

Nazboh Yen "Ca Ndei Haj Yiengh Hong" Bauj Minzcuz Youhvei Cwngcwz Hengz Daengz Dieg

那坡县“五个抓好”确保民族优惠政策落到实处

Bi' gvaq, Nazboh Yen daj goek daengz byai dawz hengzguh gak hangh minzcuz youhvei cwngcwz dangguh hong cungdenj, cizgiz ceng' aeu gij cienzngaenz, hanghmoeg guh minzcuz fuzbinz de, haenqrengz guh ndei hong minzcuz, coi minzcuz ginghci nem gak hangh sevei saehnieb cienzmienh fazcanj.

It dwg guh ndei senhconz fatdoengh. Yungh banjbau, fukvang, bauqciengz, vangijloz, densi daengj lai cungj bingzdaiz, senhconz moix hangh minzcuz youhvei cwngcwz, hawj bouxboux rox gij cwngcwz neix. Ngeih dwg guh ndei anbaiz. Ciuq gij iugouz moix hangh minzcuz youhvei cwngcwz, giethab daengx yienh gunghcoz, dingh ok mizgven gunghcoz fangh'an, yienghyienh cungj

ciuq cwngcwz, baiz gonqlaeng, ciuq mbaekyamq gonqlaeng bae banhsaeh, cug caengz guh ndei. Sam dwg guh ndei hanghmoeg guenjieix. Sojmiz gij hanghmoeg moq, gyaguh, gajguh de yaek saemj hab mbouj hab vanzbauj gvidingh gonq, mbouj hawj gij hanghmoeg mbouj hab guekgia canjyez cwngcwz de laebhwnj, doiq gak loih hanghmoeg moq daj goek daengz byai guenj caez bae. Sei dwg guh ndei hong faen yinvu. Ciuq gak dieg cingzgvang, dawz minzcuz fuzbinz gensez yinvu faen daengz gak yanghcin, caemhcai q iugouz gak yanghcin caeuq ndaw yienh mizgven bumwnz guh ndei doxiep, guh ndei dajsuenq, nyinhcaen comz rengz hengzguh. Haj dwg guh ndei hong coiguh cazyawj. Yienh giveij ok

vwnzgen caemhcai q caeuq cwngfujban duhcasiz, minzcuzgiz, fuzbinzban, suijligiz, fazgaijgiz daengj bumwnz cujiz duhcacuj, coi nem cazyawj gij cingzgvang ndaw yienh minzcuzgiz, fuzbinzban, suijligiz, fazgaijgiz, gyauyuzgiz, vwnzdijgiz, nungzyezgiz, linzyezgiz, giswngghiz daengj bumwnz caeuq yanghcin hengzguh gak hangh minzcuz youhvei cwngcwz.

Daj bi' gvaq daeuq, daengx yienh gak nungzyez mizgven bumwnz gaenq ciuqseiz fat gij cienzngaenz boujdiep ndaemhaeux, cawx nungzgi h, ndoeng swngghai, dihbauj, bang vwnzmbanj henzguk, cawx liengzcungj daengj 8900 fanh maenz, 22700 lai nungzhoh souh'ik.

(Vangz Bizvaz)

SIUSIK DINJ

简讯

● Daj bi' gvaq daeuq, Yungz-anh Yen roengzrengz doigvangq youq nazhoengq ndaem byaekgwn, baenz liux gai bae Baekging, Sanghaij, Gvangjcouh daengj dieg. Ciuq gyoepsuenq aen yienh neix dajndaem miz gak cungj byaekgwn 20.22 fanh moux, ndaej sou byaekgwn 21 fanh dun, canjciz 33600 fanh maenz.

(Danz Gajhinhg)

● 1 nyied 3 hau, Liujcouh Si Cwngzdouz Gunghshw dawz buek doxgaiq yaufuz, saw daengj dij 3 fanh maenz ndeu soengq daengz Sanhgyangh Duncuz Swciyen Yangzhih Yangh Mbanjliengzbeiz, hawj hagseng, ranz gungzhoj nem ranz ndaej bangfuz daengj ndaej hag gohgi, vwnva, sim raeujrubrub.

(Gungh Bujangh)

● 1 nyied 3 hau, Bingzgvai Gvanjlijih Minzcungghiz daengz Daibingz Yauzcuz Yangh vih vunzlai banh hanghmoeg saehsaed. Ciuq cam rox, minzveij baihgwnz gaenq roengz 60 lai fanh maenz guh 4 aen hanghmoeg, guh roen ndaw mbanj. Dangqna, aen giz neix cizgiz doihaeuq gak hanghmoeg gensez, ndawde miz 3 aen hanghmoeg gaenq guh sat lo.

(Vangz Ligenh)

● Bi' gvaq, Denhdwngj Yen aeu lai hangh cosih guh ndei hong raemj oij, yinh oij, dok oij, bauj dok oij guh ndaej swnhleih. Daengz 1 nyied 1 hau, aen yienh neix gaenq dok oij 10.48 fanh dun, ndaej dangz 1.1396 fanh dun, guj bineix 3 nyied guh sat hong dok oij.

(Vangz Lilanz Nungz Youh-veih)

● 12 nyied 31 hau, Liujnanz Gih bangfuz Sanhgyangh Duncuz Swciyen 150 fanh maenz caeuq doenghyienh dij 50 fanh maenz. Ciuq cam rox, 2012 nienz daengz 2015 nienz, aen gih neix moix bi bangfuz Sanhgyangh 150 fanh doxhwnj, coengh aen yienh neix Laujbauj Yangh Laujbah, Bwzvwnz, Gizcunh daengj cunh gungzhoj gajndeih gihcuq sezsih, canjyezva fuzbinz, gisuz beizyin.

(Gungh Bujangh)

Bouxcuengh Yinznanz Gvangjsih Caemh Beixnuengx



滇桂壮族一家亲

Bonjbauq siusik(gicej Veiz Yennaz Cinz Yajnz / 韦愿娜 覃雅妮) 1 nyied 4 hau, Yinznanz Swngj Vwnzsanh Couh Bouxcuengh Yozvei Yisuzdonz daengz Nanzningz, youq Gvangjsih Minzcuz Vwnzvuzyen guh veivwn byaujyenj, docih gyoengq boux lauxhangz Cuengghag, yozcej Gvangjsih lai bi daeuq vih hong baujhoh caeuq haifat vwnzva Bouxcuengh Vwnzsanh ok geiq ok rengz. Gyoengq bouxyienj daenj buh Bouxcuengh, ciengq gogeq Bouxcuengh, diuq fouxsoujgaen, fouxmaxcej, ndei yawj dangqmaz, ndaej daengz gih raeuz Bouxcuengh Yozvei lingjdaeuq, gak boux lauxhangz Cuengghag caeuq vunzlaiz haenh ndei. Vwnzsanh Couh Bouxcuengh Yozvei Yisuzdonz hix baengh baez byaujyenj neix senhconz Bouxcuengh yenzswngghai vwnzva Vwnzsanh. Ndaw doz dwg gyoengq bouxyienj cingq diuq fouxmaxcej.

Yinhcwngz: Aeu Daegsaek Canjyez Hawj Saujsu Minzcuz Ginzcong Laisou 忻城: 以特色产业促少数民族群众增收

Gaenh bi daeuq, Yinhcwngz Yen aeu daezswng nungzyez canjyezva guh muzbyauh, roengz cienz rengz fazcanj daegsaek nungzyez, gyarengz gajbienq nungzyez gezgou, mboujduenh daezsang daegsaek nungzyez yauiyz, haenqrengz hawj gyoengqvunz saujsu minzcuz diegbya laisou. Aen yienh neix dingh ndei naemjap liux, gibseiz ok buek cwngcwz youhvei nem buek banhfap

hawj vunzlai souh'ik he, baengh daegsaek canjyez hawj vunzlai laisou, aeu cwngcwz fuzvu hawj vunzlai simraeuq. Bi' gvaq, aen yienh neix roengz 80 lai fanh maenz bangcoengh fazcanj rangh sifan dajndaem vagimngaenz de, roengz 500 fanh maenz boujdiep dajndaem oij moq, caemhcai q ciengj doenghboux ndaem oij lai gvaq gij soq dingh de, haenqrengz doigvangq ndaem oij

laeg, roengz 130 fanh maenz, bangcoengh ndaem suen gosangh moq 0.65 fanh moux. Linghvaih, aen yienh neix lij doenggvaq gij giyez gyagoeng vagimngaenz, guh dangz, gyagoeng seireh, cugmbaek guhbaenz swngghcanj, gyagoeng, gaicawx daengj canjyez boiqdauq, hawj vunzlai youq ranz couh ndaej baenzfouq.

(Liengz Cwngzfuj)